

Na osnovu člana 64. stav 1. tačka tačka b), člana 70. stav 1,3 i 6. Zakona o javnim nabavkama (SG BiH br: 39/14) te na osnovu preporuke Komisije za javne nabavke, a po provedenom postupku za nabavku radova putem otvorenog postupka, Rukovodilac službe - Pomoćnik gradonačelnika za Službu za komunalne poslove, izgradnju i poslove mjesnih zajednica donosi:

ODLUKU o izboru najpovoljnijeg ponuđača

Član 1.

Proširenje i izgradnja javne rasvjete dodjeljuje se sljedećim ponuđačima:

LOT 1: Proširenje - izgradnja javne rasvjete u mjesnim zajednicama Dokanj, Solina i Ši Selo u gradu Tuzla

Dodjela za ponuđača **ARCADE doo Tuzla**, koji je dostavio ponudu br.043/2016 od 16.09.2016 godine u kojoj je ponuđena cijena od 15.896,20 KM bez PDV-a odnosno 18.598,55 KM sa PDV-om.

LOT 2: Proširenje - izgradnja javne rasvjete u mjesnim zajednicama Lipnica, Srednja Lipnica, Ljepunice i Tušanj u gradu Tuzla

Dodjela za ponuđača **ARCADE doo Tuzla**, koji je dostavio ponudu br.043/16 od 16.09.2016 godine u kojoj je ponuđena cijena od 14.932,80 KM bez PDV-a odnosno 17.471,38 KM sa PDV-om.

LOT 3: Proširenje - izgradnja javne rasvjete u mjesnim zajednicama Slavinovići i Centar u gradu Tuzla

Dodjela za ponuđača **ARCADE doo Tuzla**, koji je dostavio ponudu br.043/2016 od 16.09.2016 godine u kojoj je ponuđena cijena od 19.875,60 KM bez PDV-a odnosno 23.254,45 KM sa PDV-om.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web stranici ugovornog organa istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanja postupka javne nabavke br. 05-14-5309/16 od 30.08.2016 godine. Postupak nabavke je proveden otvorenim postupkom za koji je objavljeno obavještenje o nabavci broj: 1004-1-3-110-3-93/16 na Portalu javnih nabavki a sažetak obavještenja o nabavci objavljen je u „Službenom glasniku BiH“ broj: 67/2016 od 09.09.2016 godine.

Postupak nabavke provela je Komisija za javne nabavke imenovana Rješenjem br. 05-14-5309/16 od 30.08.2016 godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je ukupan broj pristiglih ponuda: 4 (četiri);
- da je blagovremeno zaprimljeno: 4 (četiri) ponuda;
- da nije bilo neblagovremenih ponuda;
- da je broj prihvatljivih ponuda 3 (tri);
- da je broj neprihvatljivih ponuda 1 (jedna).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Pouka o pravnom lijeku

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
Služba za komunalne poslove, izgradnju
i poslove mjesnih zajednica

RUKOVODILAC SLUŽBE
POMOĆNIK GRADONAČELNIKA

Kurević Kemal, dipl.ing.maš.

Broj: 05-14-5309/16
Tuzla, 29.09.2016. god

Postupajući po žalbi ponuđača „BREND Co“ d.o.o. Tuzla, na osnovu člana 64. stav 1. tačka tačka b), člana 70. stav 1,3 i 6., i člana 100., stav 3. Zakona o javnim nabavkama (SG BiH br: 39/14), te na osnovu preporuke Komisije za javne nabavke, a po provedenom postupku za nabavku radova putem otvorenog postupka, Rukovodilac službe - Pomoćnik gradonačelnika za Službu za komunalne poslove, izgradnju i poslove mjesnih zajednica donosi:

ODLUKU o izmjeni Odluke o izboru najpovoljnijeg ponuđača

Član 1.

Član 1., alineja 1. Odluke o izboru najpovoljnijeg ponuđača, broj 05-14-5309, od 29.09.2016. godine, mijenja se i isti glasi:

„LOT 1: Proširenje - izgradnja javne rasvjete u mjesnim zajednicama Dokanj, Solina i Ši Selo u gradu Tuzla

Dodjela za ponuđača BREND Co doo Tuzla, koji je dostavio ponudu br.038/16 od 16.09.2016. godine u kojoj je ponuđena cijena od 21.392,80 KM bez PDV-a odnosno 25.029,58 KM sa PDV-om.“

Član 2.

Član 2. odluke iz prethodnog člana mijenja se i isti glasi:
„Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. i članom 100., stav 3. Zakona o javnim nabavkama.“

Obrazloženje

Postupak javne nabavke pokrenut je Odlukom o pokretanju postupka javne nabavke br. 05-14-5309/16 od 30.08.2016 godine. Postupak nabavke je proveden otvorenim postupkom za koji je objavljeno obavještenje o nabavci broj: 1004-1-3-110-3-93/16 na Portalu javnih nabavki a sažetak obavještenja o nabavci objavljen je u „Službenom glasniku BiH“ broj: 67/2016 od 09.09.2016 godine.

Postupak nabavke provela je Komisija za javne nabavke imenovana Rješenjem br. 05-14-5309/16 od 30.08.2016 godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je ukupan broj pristiglih ponuda: 4 (četiri);
- da je blagovremeno zaprimljeno: 4 (četiri) ponuda;
- da nije bilo neblagovremenih ponuda;
- da je broj prihvatljivih ponuda 3 (tri);
- da je broj neprihvatljivih ponuda 1 (jedna).

Postupak je okončan Odlukom o izboru najpovoljnijeg ponuđača, broj 05-14-5309, od 29.09.2016. godine, kojom se proširenje i izgradnja javne rasvjete u gradu Tuzla, odnosno LOT 1, LOT 2 i LOT 3 u okviru predmetnog postupka javne nabavke, dodjeljuju ponuđaču „ARCADE“ d.o.o. Tuzla.

Nakon dostavljanja učesnicima postupka obavještenja o rezultatima, odnosno o izboru najpovoljnijeg ponuđača, ponuđač „BREND Co“ d.o.o. Tuzla obratio se Službi za komunalne poslove, izgradnju i poslove mjesnih zajednica (u daljem tekstu: ugovorni organ) sa zahtjevom broj 051/16, od 30.09.2016. godine, u kojem se traži odobravanje uvida u sve ponude dostavljene ugovornom organu u otvorenom postupku izbora najpovoljnijeg ponuđača za izvođenje radova na proširenju i izgradnji javne rasvjete u gradu Tuzla. Razmatrajući pomenuti zahtjev, a uzimajući u obzir odredbe člana 11., stav (5) Zakona o javnim nabavkama, u vezi sa odredbama Zakona o upravnom postupku („Službene novine Federacije Bosne i Hercegovine“, broj 2/98 i 48/99), utvrđeno je da su

ispunjeni uslovi da se udovolji predmetnom zahtjevu „BREND Co“ d.o.o. Tuzla, pa je ugovorni organ donio Rješenje, broj 05-03/15-23-051/16, od 03.10.2016. godine, kojim se podnosiocu zahtjeva odobrava traženi uvid. Po izvršenom uvidu u prostorijama ugovornog organa, ponuđač „BREND Co“ d.o.o. Tuzla dostavio je ugovornom organu žalbu, broj 052/16, od 06.10.2016. godine, na Odluku o izboru najpovoljnijeg ponuđača, broj 05-14-5309, od 29.09.2016. godine, kojom se proširenje i izgradnja javne rasvjete u gradu Tuzla, odnosno LOT 1, LOT 2 i LOT 3 u okviru predmetnog postupka javne nabavke, dodjeljuju ponuđaču „ARCADE“ d.o.o. Tuzla.

Postupajući po pomenutoj žalbi, ugovorni organ je na osnovu i u skladu sa odredbama člana 100., stav (1) Zakona o javnim nabavkama pristupio provjeri blagovremenosti i dopuštenosti iste, kao i činjenice da li je ista izjavljena od strane ovlaštenog lica. Nakon što je utvrđeno da se radi o blagovremenoj i dopuštenoj žalbi, izjavljenoj od strane ovlaštenog lica, utvrđeno je da se u istoj navodi da je „BREND Co“ d.o.o. Tuzla (u daljem tekstu: žalitelj), prilikom uvida u ponudu ponuđača „ARCADE“ d.o.o. Tuzla, utvrdio da je isti, kao ekvivalent za traženi proizvod Neos LED Schreder 150W, ponudio svjetiljku DISANO 150W MH, za koju žalitelj tvrdi da ne može biti ekvivalent, iz razloga što ponuđena svjetiljka sa metalhalogenim izvorom svjetlosti ni u kojem slučaju ne može biti ekvivalent traženoj svjetiljci sa LED izvorom svjetlosti.

Postupajući po predmetnoj žalbi, Komisija za javne nabavke, imenovana rješenjem ugovornog organa, izvršila je ponovni pregled ponude ponuđača „ARCADE“ d.o.o. Tuzla broj 043/2016, od 16.09.2016. godine, dostavljene ugovornom organu u predmetnom postupku javne nabavke, kojom prilikom je utvrđeno da je ponuđač „ARCADE“ d.o.o. Tuzla, u okviru ponude za LOT 1 postupka javne nabavke, proširenje – izgradnja javne rasvjete u mjesnim zajednicama Dokanj, Solina i Ši Selo u gradu Tuzla, umjesto tražene svjetiljke Neos LED Schreder 150W, ponudio svjetiljku DISANO 150W MH, sa metalhalogenim izvorom svjetlosti, suprotno odredbama tenderske dokumentacije za predmetni postupak javne nabavke, kojom je tražena svjetiljka sa LED izvorom svjetlosti.

Uvažavajući činjenicu da je ponovnim pregledom i ocjenom ponude ponuđača „ARCADE“ d.o.o. Tuzla utvrđeno da ista ne ispunjava uslove propisane tenderskom dokumentacijom, Komisija za javne nabavke sačinila je Zapisnik o pregledu i ocjeni ponuda, od 10.10.2016. godine, kojim se ponuda ponuđača „ARCADE“ d.o.o. Tuzla, broj 043/2016, od 16.09.2016. godine, u dijelu iste koji se odnosi na LOT 1 postupka nabavke, u skladu sa odredbama člana 68., stav (4), tačka (i) Zakona o javnim nabavkama, odbacuje kao nepotpuna, iz razloga što je u okviru pomenutog dijela ponude ponuđena svjetiljka koja ne posjeduje tehničke karakteristike propisane tenderskom dokumentacijom.

Na osnovu činjenica utvrđenih u ponovnom postupku pregleda i ocjene ponude ponuđača „ARCADE“ d.o.o. Tuzla, prethodno pomenuta žalba usvojena je kao osnovana, te je u skladu sa preporukom Komisije za javne nabavke da se izvrše adekvatne izmjene Odluke o izboru najpovoljnijeg ponuđača, broj 05-14-5309, od 29.09.2016. godine, kako bi se LOT 1 u okviru predmetnog postupka javne nabavke, odnosno proširenje – izgradnja javne rasvjete u mjesnim zajednicama Dokanj, Solina i Ši Selo u gradu Tuzla, dodjelio ponuđaču „BREND Co“ d.o.o. Tuzla, kao ponuđaču čija je ponuda u okviru predmetnog LOT-a javne nabavke ocijenjena kao prihvatljiva i drugorangirana, odlučeno kao u članu 1. dispozitiva ove odluke.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
Služba za komunalne poslove, izgradnju
i poslove mjesnih zajednica

RUKOVOĐILAC SLUŽBE
POMOĆNIK GRADONAČELNIKA

Kurević Kemal, dipl.ing.maš.

Broj: 05-14-5309/16
Tuzla, 10.10.2016. god